


Pilota

28an ez bada, noiz?

Ruben Beloki uztailaren 4an itzuliko da lehiara, Izaban

Manomanistako finala ez da jokatu ekainaren 28an, baina orain auzia hauxe da: noiz jokatu da urteko partidurik garrantzitsuenak? Aspek, Asegarek eta Espainiako Federazioak datorren asteen dute hori erabakitzeko bilera, eta ziurrenik urrira arte atzeratuko da finala. Bitartean, Eugik eta Belokik opor egun batzuk hartu dituzte. Beloki uztailaren 4an itzuliko da lehiara, Izaban.

Irene Lasa / Donostia



Patxi Eugiren eskuin eskuko minak eztabaida ugari sortu du.

CRISTINA ABADIA / EFE

RUBEN BELOKI ez dago gustura Manomanistako finala atzeratzearekin. Herenegun Patxi Eugik, oraindik eskua minduta zuela eta 28rako ez zela prest egongo adierazi zuen, eta Aspe, Asegarek eta Espainiako Federazioa datorren asteen bilduko dira data berria erabakitzeko. Tartean, ordea, enpresen udako torneoak daude eta ez dago egun egokirik. Udazkenean, berriz —Ruben Belokik hala gogoratu zuen Eugiren erabakiaren berri izatean—, lau t'erdikoa izango dute buruan.

Araudiak pilotaria osatu arte finala atzeratzea soilik aurreikusten du; ez du epe zehatzik jasotzen, eta Ruben Belokik hila-bete baino gehiago darama Eugi noiz osatu zain. Burlatakoak hau berriz gerta ez dadin neurriak hartu behar direla esan du. «Finala urriraino eramatea gehiegizkoa da. Datorren urterako hau konpondu beharra dago, pare bat atzerapena onartu eta ez bazara iristen, zorte txarra. Ezin daiteke final bat bost hilabete atzeratu. Baina enpresek ere ez dute urteko partidurik garrantzitsuenak galdu nahi», esan du Belokik. Uda guztian buruan finala duela jokatu beharko luke Burlatakoak finala azkenean urrira atzeratzen bada.

Eugi, berriz, finala atzeratzea-

ren aldeko agertu da: «Bi jarrera daude, finala jokatzea ala ez, eta nik jokatzea nahi dut».

Alustiza eta Arretxe faborito • Asegareko Txapelaldunaren torneo partidurik erabakigarria jokatu dute gaur Adarragan (17:15, T5) Alustiza-Arretxe eta Etxaniz-Zezeagak. Bihar Arbizun Retegi II.a-Errandonea eta Unanue-Errastik jokatu dute partidua eta gaur zer gertatzen den adi egongo dira. Gaur Alustiza eta Arretxek irabaziz gero, Unanuek eta Errastik irabazi egin behar dute edo gutxienez 21 tanto egin. Aldiz, ustekabeen Etxaniz eta Zezeaga garaile irtenez gero,

Unanuek eta Errasti finalean izango lirake.

Aspek, berriz, Labriten egingo du jaialdia (19:30) Soroa III.a-Goñi III.a Haritz-Hirigoyenen kontra eta Goñi II.a-Lasa III.a eta Esain-Elkoro lehiatuko dira. Besagaine Hernanin bilduko ditu gaur Ansotegi-Badiola I.a Esnal-Astarloaren kontra eta Arteaga-Bazeta Zabala-Oregi Laren aurka.

Bestalde, Euskadiko Pilota Federazioak Ezohiko Batzar Nagusia egingo du gaur. Aztergaiak, besteak beste, lizentziak emateko arauak, Formazio eskubideen arautzea, eta pilotarien traspaso eta zesioak. X

Sokatira

Pisurik lehiatuena ikusgai lur gaineko txapelketan

■ Gaur 560 kiloetakoak ariko dira Olaberrian

Koldo Alduntzin / Donostia

BEASAINGO Olaberria auzoak izango du gaur Euskal Herriko Txapelketaren bisita (17:00). Gipuzkoako bazter horretan soilik gizonetakoak ariko dira gaur, eta 560 kiloetan hain zuzen ere. Aurrekoan azaldu genuen bezala, emakumezkoen egutegiak aldaketa izan du, eta ondorioz, ekainaren 27 arte atsedena izango dute.

Joan den larunbatean jokatu zuten 560 kiloetakoek lehen jardunaldia eta pisu horretan izan da orain arteko lehiarik estuena. Nuarbe A nagusitu zen Goiherrin, eta kontuan hartuta azken zazpi urteotan munduko onena dela, ez dio nolana-nahi bizkar emango nagusitasun horri. Inoiz baino gusturako dihardute gipuzkoarrek, eta horrela jarraitu nahi dute Euskal Herrikoan, Munduko txapelketan emaitzak jasotzeko.

Bigarren Laukizko Gaztedi sailkatu zen, eta oraingoz, pisu honetan atzematen ditugu osatuen. Tiraldi batean, bederen, izerdia botarazi zieten nuarbetarrei. Txapelketak aurrera egi-

ten duen heinean, Laukizkoek gora egingo dute. Hirugarren Getxo sailkatu zen, eta amaitu arte, eusten saiatuko da, 2. postuari muzin egin gabe.

Goiherrik, 640 eta 680 kiloei uko eginda, indar guztiak 560 eta 600 kiloetan jarriko ditu, baina oraindik beharbada ez dituzte fruituak epe laburrera jasoko. Bosgarren postuan Nuarbe B sailkatu zen. Talde honetan gazteak dira gehien-goa, eta ardura gehiegirik gabe jarduteak on egingo die sokatiraz gozatzeko, ikastea baitute helburu.

Bihar ere, Gipuzkoan izango da sokatira, Oreretako Patxiku belardian, Onbide zinemaren inguruan (11:00). Pisu astunetakoek dagokie txanda, 640 eta 680 kiloetakoek, eta horiek ere bigarren jardunaldia urratuko dute. Lau talde ariko dira lehiatzen: Nuarbe A eta B, Gaztedi eta Mutriku. Joan den igandean izan zuten lehen jardunaldia, eta pisu horietan oraindik aldea nabarmena da. Nuarbe, Gaztedi eta Mutriku sailkatu ziren 640 kiloetan, laugarren Nuarbe B izan zelarik. X

Gran Slameko finalerdiak Durangon

■ Hirugarren itzuliko finalak ere bihar jokatu dira Durango Ezkurdin

Erredakzioa / Donostia

SAN ANTONIO jaien giroan Erremintako Gran Slameko hirugarren itzulia gaur Durangora joango da finalerdietan, eta bihar ere bai finalerdiak. 22:30etan izango da gaurko jaialdia, eta finala bihar arratsaldeko 17:00etan.

Erremontean Altuna II.a eta Aizpuruk Elizalde eta Iriarte izango dituzte aurkari. Elizalde, Angel Lekunberriekin batera erremonteko sailkapeneko lehena da Euskalen lehen itzulian garaitu eta Deportibon finalerdietan galdu ostean. Gaurko neur-

ketako irabazleek Zeberio II.a eta Anjel Lekunberri izango dituzte zain finalean.

Zesta puntan, berriz, Gran Slam honetan atzera lehiara itzultzen den Arrasate eta Felixek Bereikua eta Elizegiren kontra neurtu beharko dute, finalean azkenaldian sasoian dabilen Konparen eta Aranbururen aurka nortzuk jokatu duten erabakitzeko.

Palari dagokionez, Insausti-Arzelusek Iriondo-Rekalderen kontra jokatu dute eta bikote irabazleak bihar Ziskar II.a eta Juan Pablo izango dituzte zain.

Insausti eta Arzelusek osatutako bikotea da finalerdietan errepi-katzen duen bakarra eta gogoratu behar da 171 punturekin eura direla oraingoz palako txapelaldunak, Euskalen irabazi eta Deportibon berehala porrot egin ostean.

Deportibon ere jaialdia izango da gaur. Zestán Alberdi II.a-Erkiaga Egiguren II.a eta Castroren kontra jokatu dute. Palan Daniel eta Juan Pablok Urkia eta Garrido izango dituzte aurkari, eta eta Urkijo eta Beldarrain Unda I.a eta Gorostiagaren aurka ariko dira. X

Goñi II-Lasa III / Esain-Elkoro

Soroa III-Goñi III / Haritz-Hirigoyen

EGUNA: Larunbata 20.

LEKUA: Labrit Pilotalekuan.

ORDUA: 19:30etan.

ETBk emango du 22:45etan, diferituan.

